

HRVATI OSUĐUJU ŠLJIVANČANINOVE TVRDNJE

Author: [IWPR](#)

Piše: Katherine Boyle iz Haga (TU br. 475, 3. novembar 2006.)

Prema optužnici protiv bivšeg oficira JNA kome se trenutno sudi u Hagu, oni koji su u bolnici izdvojeni kasnije su pogubljeni na poljoprivrednom dobru Ovčara od strane srpskih trupa, novembra 1991.

U svom ovosedmičnom svjedočenju, Šljivančanin je naveo da je za odabir ubijenih pritvorenika odgovorno bolničko osoblje; porekao je tvrdnje prethodnih svjedoka da je lično on raspolagao spiskom osumnjičenih hrvatskih boraca, te da je birao one koje treba zatvoriti.

Hrvatski premijer Ivo Sanader nazvao je ovu izjavu „glupom“, dok je Šljivančaninov pokušaj pripisivanja krivice bolničkom osoblju opisao kao „jeftin trik“.

On je rekao da je nekoliko ljekara koji su se zatekli u vukovarskoj bolnici svjedočilo u okviru dokaznog postupka optužbe, te da Šljivančanin pokušava da „ukalja“ njihovu reputaciju.

Hrvatski predsjednik Stipe Mesić takođe je rekao kako Šljivančanin pokušava poreći vlastitu odgovornost za pokolj na Ovčari, ali je napomenuo i kako je malo vjerovatno da će Tribunal povjerovati u Šljivančaninove tvrdnje.

„On, koji snosi odgovornost, i čiji su vojnici pobili ranjene ljude, pobili naše ljude u bolnici, ne može tražiti nikakva opravdanja“, rekao je Mesić hrvatskim medijima.

Šljivančanin je zajedno sa bivšim oficirima JNA, Miletom Mrkšićem i Miroslavom Radićem, optužen zbog komandne odgovornosti za vojnike koji su navodno pobili ljude izvedene iz bolnice.

Tužilaštvo je ove sedmice privelo kraju unakrsno ispitivanje Šljivančanina.

Katherine Boyle izvještava za IWPR iz Haga.

Topic: [Kratke Vesti](#)

Source URL: <https://iwpr.net/sr/global-voices/hrvati-osu%C4%91uju-%C5%A1ljivan%C4%8Daninove-tvrdnje>